

UNIVERSITI SAINS MALAYSIA

Peperiksaan Semester Kedua
Sidang 1991/92

Mac/April 1992

HMP 304 Sejarah Perkembangan Bahasa Malaysia

Masa: [3 jam]

Kertas peperiksaan ini mengandungi TUJUH [7] soalan dalam DUA [2] muka surat.

Jawab EMPAT [4] soalan.

Semua soalan membawa nilai markah yang sama.

1. Apabila kita memperkatakan tentang asal usul bangsa dan bahasa Melayu kita tidak lari dari mengetengahkan dua pendapat yang betentangan; satu, yang mengatakan bangsa/bahasa berasal dari Asia Tengah (Geldern, Kern, Logan, Foster dan lain-lain) dan satu lagi mengatakan ia memang sudah pun perpusat di Nusantara ini (Crawford, Himly, Po Dharma). Di antara kedua-dua pendapat tersebut yang mana satukah yang diterima umum dan sebab apakah pendapat sedemikian diterima dan apakah ciri-ciri utama pendapat tersebut didasarkan.
2. Batu Bersurat Kedukan Bukit (683 M), Talang Tuwo (684), Kota Kapur (686) dan Karang Berahi (686) yang dijumpai disekitar Palembang, mempunyai ciri-ciri persamaan dan juga perbezaan di antara satu dengan yang lain. Kaitkan ciri-ciri tersebut dengan waktu penulisannya, bahasa yang ditulis dan mesej yang hendak disampaikan. Apakah pula perbezaan di antara keempat batu bersurat tersebut dengan batu bersurat yang terjumpa di Sungai Teresat di Kuala Berang Terengganu.
3. Harimurti Kridaksana (1988) telah membuat penyelidikan yang rapi terhadap penulisan karya Raja Ali Haji Raja Ahmad terutama sekali kitabnya Bustanul Katibin (1958) dan Kitab Pengetahuan Bahasa (1958). Perjelaskan hasil yang didapati oleh Harimurti mengenai kedua kitab tersebut dan kaitkan perbincangan dapatan tersebut dengan karya Abdullah Munsyi.

4. Balai Pustaka (1920), Sumpah Pemuda (1928), Angkatan Pujangga Baru (1933), Angkatan 1945 dan Asas 50 banyak menyumbang terhadap perkembangan bahasa dan sastera di Nusantara yakni di Malaya dan di Indonesia. Setiap Angkatan membawa fahaman/aliran tertentu. Nyatakan fahaman setiap satu Angkatan dan sejauh manakah karya mereka dapat disifatkan sebagai sumbangan terhadap perkembangan bahasa Melayu secara keseluruhannya.

5. Nama Zaaba di dalam perkembangan nahu bahasa Melayu khususnya tidak ternilai harganya. Akan tetapi di dalam aspek ini (yakni tatabahasa) Zaaba tidak mempunyai pengikut yang sezaman dengannya, sama seperti Abdullah Munsyi sebelumnya. Bincangkan sumbangan Zaaba dan Abdullah Munsyi di dalam hal ini dan kaitkan huraian anda dengan Angkatan Pujangga Baru dan Angkatan 45.

6. Sejak tertubuhnya Dewan Bahasa dan Pustaka pada tahun 1956, sumbangannya pada bahasa tidak ternilai sekali. Akan tetapi akhir-akhir ini kata-kata yang tidak menyenangkan sering terdengar. Ada yang pro dan ada pula yang kontra. Bincangkan peranan Dewan Bahasa dan Pustaka masa kini dari sudut peristilahan dan penerbitan dan implikasinya terhadap perkembangan bahasa.

7. Dewasa ini peranan korporat di dalam pembangunan masyarakat dan negara sering diperkatakan di majlis-majlis resmi, surat khabar dan forum. Apakah peranan bahasa Melayu di dalam hal ini terutama sekali untuk memenuhi cabaran wawasan 2020.

-oooOOOooo-